



Broj: 659/19  
Sarajevo, 07.11.2019. godine

**SAOPŠTENJE**  
**za članove Sindikata radnika u zdravstvu u Kantonu Sarajevo**

Poštovani članovi Sindikata radnika u zdravstvu u Kantonu Sarajevo,

Ovim putem Vas pisano informišemo da je danas održan šesti sastanak Štrajakčkog odbora Sindikata radnika u zdravstvu u Kantonu Sarajevo i predstavnika Vlade Kantona Sarajevo. Ovaj Sindikat nije prihvatio Vladin prijedlog da se razgovara samo o povećanju koeficijenta jednoj grupi radnika u zdravstvu u Kantonu Sarajevo, tj. medicinarima – „nedoktorima“ i ostao je kod svog prijedloga visine koeficijenata, a to su koeficijenti koji su sačinjeni prema koeficijentu 5,40 i omjeru doktor specijalista - medicinska sestra 1:2 i doktor specijalista - radnica na održavanju higijene 1:4, i to:

	važeći	predloženi
1. Zanimanje I grupe - koeficijent složenosti 1,30		1,40
Jednostavni poslovi - zanimanja za koje je potrebna osnovna škola (poslovi čišćenja radnih, administrativnih i zajedničkih prostorija, skupljanje smeća i drugih otpadaka iz radnih, administrativnih i zajedničkih prostorija, briga o stanju sredstava za čišćenje i drugi poslovi koji se obavljaju po jednostavnom postupku i sa jednostavnim sredstvima rada).		
2. Zanimanje II grupe - koeficijent složenosti 1,40		1,50
Manje složeni poslovi - zanimanja sa prethodnim priučavanjem za koje je potrebna osnovna škola sa dodatnim funkcionalnim znanjima, vještinama stečenim na tečajevima ili odgovarajućim praktičnim iskustvima.		
a) poslovi održavanja čistoće u zdravstvenim ustanovama i zavodima (čišćenje, pranje i spremanje bolesničkih soba i ordinacija, dezinfekcija prostorija, predmeta i pribora, transportovanje nečistog rublja i sl.);		
b) poslovi pranja laboratorijskog posuđa, ambalaže, pribora za rad (priprema oruđa za mikrobiološke postupke, pranje laboratorijskog posuđa, razvrstavanje sterilizovanog posuđa prema namjeni i sl.);		
c) jednostavni poslovi na uspostavljanju telefonskih veza;		
d) pomoćni poslovi u praonicama rublja, prehrani, serviranju hrane (tehničkim radionicama i sl.);		
e) pomoćni poslovi kod obdukcije, pakovanja sanitetskog materijala i sl.		
3. Zanimanje III grupe - koeficijent složenosti 1,80		2,00
Srednje složeni poslovi - zanimanja za koja je potrebna stručna spremna predviđena programom za III stepen obrazovanja odnosno KV radnici:		
a) poslovi tehničkog održavanja (zanatsko održavanje instalacija, uređaja, vozila, objekata i opreme, poslovi krojača - na nivou zvanja kvalifikovanog radnika i sl.);		
b) poslovi na pripremi hrane (kuhanje);		



- c) poslovi uspostavljanja veza većeg intenziteta - operater na telefonskoj centrali;
- d) poslovi običnog transporta bolesnika i drugi opšti prijevoz;
- e) srednje složeni administrativni poslovi i poslovi evidencija.

4. Zanimanje IV grupe - koeficijent složenosti 2,20	2,50
Složena zanimanja - poslovi za koje je potrebna srednja stručna sprema (u četverogodišnjem trajanju), a obavljaju ih radnici nezdravstvenog usmjerenja.	
5. Zanimanje V grupe - koeficijent složenosti 2,40	2,70
Složeni poslovi - zanimanja za koje je potrebna VKV.	
6. Zanimanje VI grupe - koeficijent složenosti 2,40	2,70
Složeni poslovi - zanimanja za koja je potrebna srednja stručna sprema zdravstvenog usmjerenja.	
7. Zanimanja VII/1 grupe - koeficijent složenosti 2,70	3,00
Složeni poslovi - zanimanja za koja je potrebna viša školska sprema nezdravstvenog usmjerenja.	
8. Zanimanje VII/2 grupe - koeficijent složenosti 2,90	3,20
Zanimanje - poslovi za koje je potrebna viša školska sprema zdravstvenog usmjerenja.	
9. Zanimanja VIII/1 grupe - koeficijent složenosti 3,50	3,80
Zanimanja - poslovi za koja je predviđena visoka stručna sprema nezdravstvenog usmjerenja.	
10. Zanimanja VIII/2 grupe - koeficijent složenosti 3,50	3,80
Zanimanja - poslovi za koja je predviđena visoka stručna sprema zdravstvenog smjera – fakultet zdravstvenih studija.	
11. Zanimanje IX/1 grupe – koeficijent složenosti 3,80	4,40
Zanimanja - poslovi za koja je potrebna visoka stručna sprema zdravstvenog smjera:	
1. doktor medicine	
2. doktor stomatologije	
3. magistar farmacije.	
12. Zanimanje IX/2 grupe - koeficijent složenosti 4,00	4,40
Složeni i vrlo složeni poslovi za koje je potrebna visoka stručna sprema nezdravstvenog usmjerenja i specijalizacija.	
13. Zanimanja IX/3 grupe - koeficijent složenosti 4,50	5,40
Složeni i vrlo složeni poslovi za koje je potrebna visoka stručna sprema zdravstvenog usmjerenja i specijalizacija.	
14. Zanimanja X grupe - koeficijent složenosti 4,70	5,60
Složeni i vrlo složeni poslovi za koje je potrebna visoka stručna sprema zdravstvenog usmjerenja i subspecijalizacija.	



Na pomenutom sastanku smo pokazali i argumentima dokazali da novca za naše zahtjeve ima i da je 15 miliona KM na godišnjem nivou, potrebnih za usklađivanje koeficijenata po našem prijedlogu, zanemarljivo mali iznos u odnosu na 460 miliona KM kojima raspolaže Zavod zdravstvenog osiguranja Kantona Sarajevo.

Također su osporeni navodi pregovaračkog tima Vlade Kantona Sarajevo da je zbog izmjene Zakona o doprinosima neizvjestan priliv prihoda Zavoda zdravstvenog osiguranja Kantona Sarajevo, te da će te izmjene imati za posljedicu smanjenje prihoda pomenutog Zavoda. Naime, na jednom od seminara održanom u Sarajevu u zgradici UNITIC-a i u Tuzli upravo po pitanju efekata izmjene Zakona o doprinosima i Zakona o porezu na dohodak, ekonomski stručnjaci su, između ostalog, iznijeli da neće doći do smanjenja prihoda po osnovu izmjena navedenih zakona, odnosno da neće biti pad priliva prihoda po osnovu doprinosa i da postoji mogućnost da prihodi budu i povećani. Naime, tačno je da se predlaže da osnovica za zdravstveno osiguranje sa 16,5% ide na 13,5%, ali će se sama osnovica za obračun doprinosa povećati jer će u nju ući i isplata na ime toplog obroka, naknade na ime prevoza i regresa.

Treći argument koji smo iznijeli odnosi se na prijedlog Vlade Kantona Sarajevo da se razgovara o povećanju koeficijenata medicinarima („nedoktori“), bez priče o koeficijentima za doktore, nemedicinski kader i zdravstvene saradnike. Naime, broj nemedicinskog kadra i zdravstvenih saradnika je daleko manji u odnosu na medicinski kader što iznosi 20% u primarnoj zdravstvenoj zaštiti i 30% u bolničkim uslovima. Shodno tome, a imajući u vidu i visinu njihovih koeficijenata, jasno je da nemedicinski kader u masi novca za plaće, odnosno povećanje plaća učestvuje puno manje u odnosu na zdravstveni kader i samim time ne stoji animozitet Vlade Kantona Sarajevo prema nezdravstvenom kadru u zdravstvenoj djelatnosti u Kantona Sarajevo.

Dakle, Sindikat radnika u zdravstvu u Kantonu Sarajevo nije pristao da učestvuje u diskriminaciji i nejednakom postupanju nijedne kategorije radnika u zdravstvu u Kantonu Sarajevo jer ako je i u jednoj djelatnosti izražen timski rad, to je onda djelatnost zdravstvene zaštite.

Našim prijedlogom usaglašenih koeficijenata, trajnije bi riješili pitanje socijalnog položaja radnika u zdravstvu u Kantonu Sarajevo. Predložili smo im da sve dosadašnje manjkavosti u prvom koraku mogu riješiti pravljenjem normativa rada, platnih razreda i pravilika o radnom vremenu u Kantonu Sarajevo. U periodu 2020. godine mogu se posvetiti reformi zdravstva Kantona Sarajevo.

S poštovanjem,

Dostavljeno:

1. Predsjednici osnovnih sindikalnih organizacija x17
2. [www.sindikatzdravstvaks.ba](http://www.sindikatzdravstvaks.ba)
3. a/a

